



ЯВЛЯЕТСЯ И СЛУЖИТ
ПРЕПОДОБНОМУЧЕНИКУ ФЕОДОРУ
(ЯРОСЛАВУ), ПЕЧЕНГСКОМУ

ПРЕПОДОБНОМУЧЕНИК
ФЕОДОР (ЯВРОСИЖОВ),
ПЕЧЕНГСКИЙ

(1897–1941 гг.)

ДНИ ПАМЯТИ

2 августа / 20 июля –
день мученической кончины в 1940 году

В воскресенье 7 февраля / 25 января
или в ближайшее воскресенье
после этой даты –
в Соборе новомучеников
и исповедников Российских

ТРОПАРЬ

Глас 5:

Злострадания и горькия работы / от безбожных и скверных, / продерзостию и силою напыщенных, / претерпел еси, мучениче Феодоре, / Церкви послушание даже до смерти явил еси, / сего ради венцем доброты и диадимой Царствия венча ты Христос Бог, / Егоже моли, благодарованный заступниче земли Кольския, // да очистимся от всякия скверны покаянием.

КОНДАК

Глас 8:

Крест свой взем, Христу последовал еси, / монашеское житие и вольное страдание паче сладости мира сего возлюбил еси. / Веру Христову, противу греха подвизався, даже до крови исповедал еси, / сего ради избави нас от бед и всякаго зла, отче Феодоре, // и уголи наша печали молитвами твоими.

КРАТКОЕ ЖИТИЕ

преподобномученика
Феодора (Абросимова), Печенгского

Преподобномученик Феодор (Абросимов) родился 20 февраля 1897 года в деревне Чаваньга Терской волости Архангельской губернии в семье рыбака-помора. В 1913 году, будучи шестнадцатилетним юношей, ушел послушником в Трифонов Печенгский монастырь.

С началом Первой мировой войны послушник Федор был призван в царскую армию и воевал на Западном фронте. В октябре 1919 года вновь вернулся в Печенгский монастырь, который в 1920 году по Тартускому договору оказался на территории Финляндии.

С началом советско-финляндской войны 30 ноября 1939 года поселок Петсамо (Печенга) был занят частями Красной Армии, и в монастыре начались обыски. Был арестован настоятель монастыря иеромонах Паисий. Федор Абросимов вместе с остальными насельниками монастыря был вывезен на территорию СССР, в район поселка Ловозеро Мурманской области, на строительство комбината «Аллуйвстрой».

По окончании «Зимней войны», в соответствии с мирным договором 1940 года, территория Печенги возвращалась Финляндии, и монахи были отправлены в свой монастырь. Однако Феодор отказался возвращаться в Финляндию и, решив остаться на родине, поселился на 80-м километре тракта Пулозеро – Ловозеро (Ловозерский погост), где стал работать древопилом.

Послушник Феодор был арестован 2 июня 1940 года как шпион и «пособник» арестованного ранее настоятеля монастыря иеромонаха Паисия (Рябова) и препровожден в тюрьму г. Мончегорска. Предполагалось с его помощью более убедительно представить «Трифонов Печенгский монастырь как базу для подготовки и переброски финских шпионов в СССР». Важность «дела Абросимова», равно как и «дела Рябова», в международном масштабе была обусловлена большой потребностью в доказательствах «вины Финляндии» как оправдания агрессии СССР.

Однако послушник Феодор не оправдал надежд НКВД. Ответы его не менялись, отличались последовательностью и твердой верой.

16 июня 1940 года следователь предъявил Федору обвинение по статье 58-6-10 УК РСФСР – шпионаж и антисоветская агитация.

Несмотря на сильный нажим сотрудников НКВД, виновным себя Феодор так и не признал. Тем не менее, 19 августа 1940 года Феодор Абросимов был приговорен к 8 годам концлагерей. Такая относительно «мягкая» мера наказания была обусловлена статусом Феодора как гражданина иностранного государства.

В октябре 1940 года Феодор прибыл в Ухто-Ижемский исправительно-трудовой лагерь (поселок Ухта Коми АССР). Через девять месяцев, в день пророка Илии, 2 августа 1941 года в возрасте сорока трех лет послушник Феодор Абросимов скончался и был захоронен в неизвестной могиле.

Определением Священного Синода от 30 июля 2003 года послушник Феодор Абросимов причислен к лику Святых новомучеников и исповедников Церкви Русской. Днем его памяти определен день его кончины: 20 июля / 2 августа.

**МЕСЯЦА ИЮЛЯ В 20-Й ДЕНЬ
(2 АВГУСТА ПО Н. СТ.)**
Святаго преподобномученика
Феодора (Абросимова), Печенжскаго

НА МАЛОЙ ВЕЧЕРНИ

На Господи, возвах: **стихиры на 4, глас 6:**

Восхвалим днесь пѣсньми страдальца земли нашей Кольския, / преподобномученика Феодора. / Сей бо, измлада Христа возлюбив, / остави Поморскую землю отечества своего / и отыде в дальнюю страну, / идеже, неленостно Богу и братии угождая, / во утверждение веры Православныя во языцех, / сущих далече от конец земли, бде и наследи. / Ныне же, во обители Небесныя приятый, / моли Христа Бога // помилovati души наша.

Якоже Сергей великий с братом Стефаном, / такожде и ты, отче Феодоре, / оставль дом отец своих, во обитель Печенжскую вселился еси, / брат же твой мний по днѣх мнозех остави бо Трифоново селение / и паки возвратися в родное Поморие. / Ты же в любви Господни крепость обрел еси, / и вся претерпел еси, яко воин Христов добропобедный, / и, душу свою за Христа положив, // житие свое венцем страдания увенчал еси.

Исполнишася дние, насташа времена люта, / ты, яко беглец, во Финскую страну изгнан бысть, / преподобномучениче Феодоре. / Со святою обителию Печенжскою Христу последовав, / Отечество свое оставил еси, / и со братией мнишеской пришелец в земли чуждей и инославней был еси, / и верный раб явился еси Спаса Вседержителя; // темже почитаем память твою всечестную.

Вся прилоги лукавыя претерпел еси, доброхвальне Феодоре, / упованием неуклонным на Бога, Спаса твоего. / Сродницы твой единокровнии / страха ради смерти от безбожных отвергашася тя. / Ты же, зело скорбя, молился еси о спасении их, / да и мы сохранимся твоими молитвами // и Бога всех милующаго заступлением.

Слава, глас 6:

И зряднаго угодника Христова песньми благохвальными почтѣмъ, / яко иго злоключений и страданий за Христа восприялъ есть. / От Негоже в Царствии Божиемъ, / яко доблѣй воинъ, в подѣръ славы облеченъ былъ еси, / Избавителю Богу вопия: // благословите, вся дела Господня, Господа.

И ныне, Богородичен, глас тойже:

Радуйся, звездѣ светозарная, / Свѣтъ, прежде денницы от Отца возсиявший, неизреченно рождающая, / Того сиянием озари души наша, // спящая во тмѣ и сени смертней.

На стиховне стихиры, глас 4:

Промыслом Божиимъ и человеческимъ избраниемъ / былъ еси другъ веренъ Паисію преподобномученику, игумену обители Печенжскія, / и помощникъ в скорбехъ преизрядныхъ, обрѣтшихъ братію зело. / Помози и намъ, отче Феодоре, / верно чтущимъ память твою, // в верѣ истинной утвердиться.

Стихъ: Честна предъ Господемъ / смерть преподобныхъ Его.

Земная отринувъ, Небесная себѣ уготовляя, / яко страдалецъ за истину, / мужественно ради братіи своея не оставилъ вины славе обители. / Даже до крове пострадавый, противу хульниковъ, / гонителей и досадителей Церкви подвижавыйся, / Небесныя сладости вкусилъ еси, страстотерпче дивный, / сея сладости испроси и намъ у Христа, Спаса нашего, // яко молитвенникъ о душахъ нашихъ.

Стихъ: Блаженъ мужъ, бояйся Господа, / в заповѣдехъ Его восхощетъ зело.

Днесь сошедшеся, искренняя твоя / пояху и благословляху Господа / в благопочитание памяти твоея, / преподобномучениче Феодоре: / яко воинъ Христовъ добропобѣдный, / верѣ Православней и Христову воинству веренъ пребылъ еси / и сто седминадесатымъ мученикомъ Печенжскимъ / в народѣ Божіи нареклъ еси. / Того ради житіемъ твоимъ праведнымъ / истинный намъ путь къ Небесі указуеши // и молишися предъ Господемъ о спасеніи душъ нашихъ.

Слава, глас тойже:

Радуйся, преподобномучениче Феодоре, / мужественне возвращая во Отечество свое, / идеже веру Христову поругаему обрел еси / и себе самого, яко жертву живую, Богу принесл еси. / Ныне Христу предстоя, молися, святе, // даровати людем нашим мир и велию милость.

И ныне, Богородичен, глас тойже:

Кпокрову Твоему прибегаем, / Дево Богородице, / и молим Тя: скоро на помощь нас, верно чтущих Тя, предвари / и от враг видимых и невидимых избави, // Ты бо еси заступление наше.

Тропарь писан на велицей вечерни. Ектенія малая и отпу́ст

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихиры на 8, глас 8:

Душу твою и тело от страстей очистил еси, / якоже разжизается серебро, и якоже искушается золото, / красная мира от юности твоя презрел еси, / из земли Поморския, от веси Чаваньжския / с братом меньшим во обитель преподобнаго Трифона отшел еси / и, радуясь, последовал еси Христу, иго крестоношения возлюбивый. / Ныне же, вшед в Царствие Небесное, / престолу Бога Живаго предстоиши, // хвалу Ему с лики новомученик Российских возсылая. *(Дважды)*

Отечеству земному в чине войдем усердно послужив / и крепок во бранех быв, достохвальный Феодоре, / обаче паки воинству Христову приобщитися / и единому Богу поработати зело возжелел еси, / и пришед во отечестве свое, // паки во обитель возвратися. *(Дважды)*

В братстве иночестем усердно подвизався, Феодоре всехвальне, / восходил еси от силы в силу, / украшение иноков явился еси, преподобномучениче, / добре сих к Небеси наставляя. / Темже

ныне, во тьме греховней сущия, ны просвети / и, яко дерзнове-
ние имеяй ко Господу, Спасу нашему, // Того моли спастися ду-
шам нашим. *(Дважды)*

Столп непоколебимый веры Христовы / и истинный ревни-
тель жития мнишеского был еси, преподобномучениче, / бодрен-
но стоя за святую Православную веру. / Разум наш просвети / и
нас, верно чтущих память твою, в вере утверди // ко спасению
душ наших. *(Дважды)*

Слава, глас 8:

Заветы сострадальцев Христовых восприемь, / душу свою за
веру отеческую положил еси, святе Феодоре, / верный оруж-
ник Христова воинства. / В жертву Богу себе самого принося, /
в сердце твоём хранил еси образ Христа, Агнца непорочна, / и
ныне воссиял еси во Царствии Небеснем, / идеже любовьию упо-
коевает Господь // всех верных жертвенной любви Его.

И ныне, Богородичен, глас тойже:

Царь Небесный за человеколюбие на земли явился / и с чело-
веки поживе, / от Девы бо Чистой плоть приемый / и из Нея
прошедый с восприятием. / Един есть Сын, сугуб еством, / но
не Ипостасию. / Темже совершенна Того Бога / и совершенна Че-
ловека воистину проповедающе, / исповедуем Христа Бога на-
шего: / Егоже моли, Мати Безневестная, // помилватися душам
нашим.

Вход. Прокимен дне и чтения три. Пророчества Исаиина чтение:

Тако глаголет Господь: вси языцы собращася вкупе, и соберут-
ся князи от них. / Кто возвестит сия в них? / Или яже от на-
чала, кто слышана сотворит вам? / Да приведут свидетели своя, и
оправдятся, и да услышат, и да рекут истину. / Будите Ми свиде-
тели, и Аз Свидетель, глаголет Господь Бог, и отрок, егоже избрах: /
да познаете, и веруете Ми, и разумеете, яко Аз есмь: / прежде Мене
не бысть ин Бог, и по Мне не будет. / Аз есмь Бог, и несть разве
Мене спасаей. / Аз возвестих и спасох, уничижих, и не бе в вас
чуждий. / Вы Мне свидетели, и Аз Господь Бог, и еще от начала
Аз есмь, и несть от рук Моих избавляй: сотворю, и кто отвратит
то? / Сице глаголет Господь Бог, избавляй вас Святыи Израилев.

Премудрости Соломоновы чтение:

Праведных души в руке Божией, и не прикоснется их мука / Непщевани быша во очесех безумных умерети, и вменися озлобление исход их, и еже от нас шествие – сокрушение, они же суть в мире. / Ибо пред лицом человеческим аще и муку примут, упование их безсмертия исполнено. / И в мале наказани бывше, великими благодетельствовани будут, яко Бог искуси я и обрете их достойны Себе. / Яко злато в горниле, искуси их и, яко всеплодие жертвенное, прият я. / И во время посещения их возсияют и, яко искры по стеблю, потекут. / Судят языком и обладают людьми, и воцарится Господь в них во веки. / Надеющиеся Нань разумют истину, и вернии в любви пребудут Ему. / Яко благодать и милость в преподобных Его, и посещение во избранных Его.

Премудрости Соломоновы чтение:

Праведницы во веки живут, и в Господе мзда их, и попечение их у Вышняго. / Сего ради примут Царствие благолепия и венец доброты от руки Господни, зане десницею покрывает я и мышцею защитит их. / Приемет всеоружие рвение свое и вооружит тварь в мечь врагом. / Облечется в броня правды и возложит шлем – суд нелицемерен. / Приемет щит непобедимый – преподобие, поострит же напрасный гнев во оружие, споборет же с ним мир на безумных. / Пойдут праволучныя стрелы молниины и, яко от благокругла лука облаков, на намерение полетят. / И от каменометныя ярости исполнь падут грады, вознегодует на них вода морская, реки же потопят я нагло. / Сопротив станет им дух силы и, яко вихор, развеет их, и опустошит всю землю беззаконие, и злодейство превратит престолы сильных. / Слышите убо, царие, и разумейте, навикните, судий концев земли. / Внушите, держащии множества и гордящися о народах языков, яко дана есть от Господа держава вам и сила от Вышняго.

На литии стихира храма и святаго, глас 1:

Во обители Печенжстей подвигом иноческим добре подвижався, / преславный Феодоре, / и достойно званию ходив, / плоды принесл еси Христова смирения, / яко древо благосеннолиственное, / и нас научи смиряти души наша пред Отцем Небесным / в скорбех и различных обстояниях, / да обрящем вечную победу с тобою, // Христовым страдальцем.

Глас 2:

Приидіте, вѣрнии, / пѣмѣя преподобномученика Феодора почтѣм, / лику же неисчетному доблественных мучеников приобщися / и собору Кольских новомучеников основание твердо положи. / Молитвенно притецем к страстотерпцу за веру Православную святую, / печальнику земли нашей северной, / и слезно тому возопием: / настави нас верою правою восхваляти Господа // ко спасению душ наших.

Слава, глас 2:

Ревнуй о вере Православней, / возскорбел еси печалию великою, / яко вера сия от неправовѣрных попирается, / и гонения многія претерпел еси за ню, / и кровию мучений землю Кольскую освятил еси. / Темже и мы, чада твоя, любовию вопием ти: / слава Давшему ти крепость, / слава Венчавшему тя, // слава Прославльшему тя с новомученики Россійскими.

И ныне, Богородичен, глас тойже:

Защитение и покров еси христианом, / Владычице Богородице, / осени и нас, люте страждущих, покровом Твоим, // да непрестанно славословим милосердие Твое.

На стиховне стихиры, глас 4:

Радуйся, преподобномучениче Феодоре, / сосуде Божий избранный, / ныне, болезни в мучениих и скорби в смирении потерпев, / по завету Христову вечный живот обрел еси. / Тако и мы возглаголем: / возлюбите Господа и обрящете славу вечную / и покой со избранными, // егоже да улучим молитвами угодника Божия Феодора.

Стих: Честна пред Господем / смерть преподобных Его.

Радуйся, монахов похвало, / да возвеличиши людей православных достохвальным житием твоим / и славным стоянием в вере Христовой. / Ты, слезы и поты обильно проливая, / душу твою от страстей очистил еси, / таже мученическими кровью себе самого в жертву Господу принесл еси. / Темже и ныне молитвами твоими / испроси у Светодателя Христа / мира и утверждения Церкви нашей // и просвещения душам нашим.

Стих: Блажен муж, бояйся Господа, / в заповедех Его восхощет зело.

Блажим тя, преподобномучениче Феодоре, / ты, яко муж богобоязливый, / упованием на Бога себе ополчив, / возстал еси противу врагов веры Православныя, / не устранился ни темницы, ни уз, ни мучений, ни смерти, / но, вся сия претерпев, венец победный от Бога восприял еси. / Сего ради молим тя: моли Христа Бога // оградити Церковь нашу от наветов вражиих.

Слава, глас 4:

Отче Феодоре, / пострадав и досажден быв за исповедание веры, / радость пресветлую и пречестную славу наследовал еси / и Вышняго града святого, / Иерусалима нова, сходяща от Бога, / сонаследник явился еси, страстей победителю, / да видяще, како любит Господь верных своих, // и мы Царствию Христову приобщимся.

И ныне, Богородичен, глас тойже:

Призри на моления Твоих раб, Всенепорочная, / утоляющи люта на ны востания, / всякия скорби нас изменяющи, / Тя бо, Едину, твердое и известное утверждение имамы, / и Твое предстательство стяжам. / Да не постыдимся, Владычице, Ты призывающи, / потщися на умоление Тебе верно вопиющих: / радуйся, Владычице, / всех помощи, радости и покрове, // и спасение душ наших.

На благословении хлебов: тропарь преподобномучеником, дважды, и Богородице Дево: единожды.

Тропарь, глас 5:

Злострадания и горькия работы / от безбожных и скверных, продерзостию и силою напыщенных, / претерпел еси, мучениче Феодоре, / Церкви послушание даже до смерти явил еси, / сего ради венцем доброты и диадимой Царствия венча тя Христос Бог, / Егоже моли, благодарованный заступниче земли Кольския, // да очистимся от всякия скверны покаянием.

НА УТРЕНИ

На Бог Господь: тропарь святого *(дважды)*.

Слава, и ныне, Богородичен:

Радуйся, двере Господня непроходимая:

По 1-й стихологии седален, глас 6:

Житием твоим земным Ангелом безплотным уподобился еси, преподобномучениче Феодоре, / врага бо прегордаго смирив, крестоношение Богуви угодно совершил еси. / Тем же днесь, почитающе память твою, молимся: // моли спастися душам нашим. *(Дважды)*

Слава, и ныне, Богородичен:

Бога Слова породила еси, / зачавши во чреве безсеменно, Неискусобрачная Дево, // Того моли о душах наших.

По 2-й стихологии седален, глас 6:

Грозд духовный на олтарь Божественный себе принёсл еси, преподобномучениче Феодоре, / и светильник в месте мрачном явился еси твердым стоянием за веру Православную / и безстрастным исповеданием ея. // Тем же память твою присно песнями восхваляем верно. *(Дважды)*

Слава, и ныне, Богородичен:

Како не дивимся богомужному Рождеству Твоему, Пречестная? / Ужасно бо чудо зачатия, и несказанен образ Рождества в Тебе показася. // Рожденнаго Тобою моли простити прегрешения наша.

Величание:

Ублажаем тя, / преподобномучениче Феодоре, / и чтим святую память твою, / наставниче монахов // и собеседниче Ангелов.

Псалом избранный:

Весть Господь путь праведных и путь нечестивых погибнет. / Работайте Господеви со страхом и радуйтесь Ему с трепетом. / Ты же, Господи, Заступник мой еси, Слава моя и возносяй

главу мою. / **П**омилуй мя, Господи, яко немощен есмь, исцели мя, Господи, яко смятошася кости моя. / **О**тступите от мене вси делающии беззаконие, яко услыша Господь глас плача моего. / **Г**осподи, Боже мой, на Тя уповах, спаси мя от всех гонящих мя и избави мя. / **П**омощь моя от Бога, спасающего правых сердцем. / **Д**а уповают на Тя знающии имя Твое, яко не оставил еси зыскающих Тя, Господи. / **Т**ы, Господи, сохраниши ны и соблюдеши ны от рода сего и во век. / **В**оздаст ми Господь по правде моей и по чистоте руку моею воздаст ми. / **С** преподобным преподобен будеши и с мужем неповинным неповинен будеши. / **З**акон Господень непорочен, обращая души, свидетельство Господне верно, умудряющее младенцы.

По полиелѣи седален, глас 4.

Подобен: Явился еси:

Узы и скорби кратко претерпел еси, / даже до смерти с Господем пребыв, / получив совершенное спасение, / отыде от жития привременнаго с веселием и восклицанием, / во хвалениях и всеблагословных пениях // благодаря Бога отцев и Спаса нашего Иисуса Христа. *(Дважды)*

Слава, и ныне, Богородичен:

Надеждо непостыдная надеющихся на Тя, / Единая Родшая паче естества плотию Христа Бога нашего, / Того со святыми преподобномученики моли подати вселенней очищение прегрешений // и всем нам прежде конца жития исправление.

Степенна, 1-й антифон 4-го гласа. Прокимен, глас 4: Честна пред Господем / смерть преподобных Его. **Стих:** Что воздам Господеву о всех, яже воздаде ми? **Евангелие от Марка, зачало 37.**

По 50-м псалме стихира, глас 6:

Возлюблен был Богом от чрева матерня, / верен был еси даже до смерти, / леств безбожнаго суетства разоряя, / мужески подвизался еси противу врагов Церкви Православныя, / враждующих стаду Божию, / тех злохитрости, и неистовства, и козни низложил еси / и венец почести приял еси. / Спасай нас, яко предстатель наш, Феодоре, // преподобне страдальче.

ІАНОН

Богородице со ирмосом на 6, и святаго на 8, глас 8

Песнь 1

Ирмос: *Воду прошед, яко сушу, / и египетскаго зла избежав, / израильтянин вопияше: // Избавителю и Богу нашему поим.*

Запѣв: *Святый преподобномучениче Феодоре, // моли Бога о нас.*

Завѣты сострадальцев Христовых восприемь, / якоже дрѣвле Моисей, воеводствуя иудейскому языку, / тако и ты, свѣте Феодоре, ополчился еси за люди православныя и чтителище Божие. / Ныне, вшед в Царство Небесное, Престолу Бога Живаго предстоиши, / хвалу Ему с лики за веру сострадальцев возсылая.

Верный оружник Христова воинства явился еси, / века сего безбожнаго клеветы обличил еси и уст их лжу / и ныне просил еси во Царствии Небеснем, / идеже любовию упокоевает Господь верных жертвенной любви Его.

Яко исповедник и яко страдалец за веру Христову украшенный, / причастился еси неотъемлемыя, отче Феодоре, радости, / на силу крестную упование свое несумненно возложив, / темже во обители Небесныя вселился еси.

Богородичен: *От видимых и невидимых врагов избави мя, Родшая всех Владыку, / и бурю страстей моих утиши, да пою Богу моему: / славно бо прославися.*

Песнь 3

Ирмос: *Небеснаго круга Верхотворче, Господи, / и Церкви Зидителю, / Ты мене утверди в любви Твоей, / желаний краю, верных утверждение, // Едине Человеколюбче.*

Ни врага рода человеческого, ни владык богохульных, / ни оружников дерзосердых, претящих ти, не убоясь, преподобномучениче Феодоре, / верою и упованием на Господа был еси крепок, образ бо даде искренним своим, / да, якоже сотвори тако, будем и мы творити в терпении скорбей / и стяжании смирения Христова.

Поюще, славит братия Печенжская твоя подвиги постныя, / житие смиренное и незлобивое, преподобне отче, / и, твоё стра-

да́ние му́ченическое воспомина́юще, / прóсит невозноси́тельно твоего́ моли́твеннаго предста́тельства / за обитель свята́го Трифона и за всю зе́млю Ко́льскую.

Сокруши́л еси́ терпе́нием всю си́лу вра́жью, / мужеуби́йц и ху́льников зле́йших, влады́к, погу́бльших се́рдце, / су́щих далече́ от пра́вды и претя́щих ти, не убо́ялся еси́, / преподо́бному́чениче Феодоре добропобедный, / и, муче́ния путь до́блестно проше́д, достигл еси́ в несконча́емый поко́й Небе́сный, / иде́же со А́нгелы лику́еши во све́те всех Творца́.

Богоро́дичен: Недоуме́ют вси язы́цы, ка́ко Небе́снаго кру́га Верхотворец, / в творе́ниях невмести́мый, в ложесна́ Твоя́ воплоща́емь, Всенепоро́чная, всели́ся, / на спасе́ние нас, ве́рно воспева́ющих Тя.

Седа́лен, глас 6:

Му́ки му́жественно во узи́лищи претерпе́в, / подвиза́вся да́же до боле́зни сме́ртныя, / пото́ков беззакóний не ужасе́ся: зане́ учинен бысть в жизнь ве́чную. / Те́мже у́бо научи́ нас в терпе́нии стяжа́ти ду́ши на́ша, // почита́ющих ве́рою пречестную па́мь твою́, преподо́бне Феодоре. *(Два́жды)*

Сла́ва, и ны́не, Богоро́дичен:

Преукраше́нная Божество́нною сла́вою, / Херувимов и Серафимов превы́шши еси́, Пренепоро́чная, / те́мже Тя по до́лгу вси ро́ди ублажа́ют.

Песнь 4

Ирмо́с: Ты моя́ крѣпость, Го́споди, / Ты моя́ и си́ла, / Ты мой Бог, Ты моё ра́дование, / не оста́вь не́дра Отца́ / и на́шу нищету́ посети́в. / Тем с проро́ком Авваку́мом зову́ Ти: // си́ле Твое́й сла́ва, Человеколю́бче.

Рачи́тель Госпо́день и крѣпок в ве́ре от ю́ности своея́ был еси́, / ору́жие бо крѣстное на ра́мена взѣм, / совлече́ся одея́ния сме́ртнаго и облече́ся в безсме́ртное, / и дарова́ ти Госпо́дь ве́нец живота́. / Се́го ра́ди земли́ Ко́льския на небеси́ надзира́тель / и помо́щник ме́сту сему́ явился еси́ пресве́тел, / Бо́гу поя́ песнь побѣдную.

Егда́ прииде во обитель Пе́ченжскую гоне́ние от безбо́жных, / столп непоколебим явился еси́, добропобедный Феодоре; / со от-

цём своим духовным, преподобномучеником Пайсием, / правды ради страха безбожных не убоясь, ниже смутися, / и всех святых земли Кольския, яко ближних сродник, в помощь призывал еси, / с нимиже купно ныне прославляеши.

Изгнание и разлучение с братиею своею / мужественно претерпел еси, преподобномучениче Феодоре, / жестокия терпя на теле болезни, уязвляемь от руки сильных и жестоких мучителей, / но ничтоже возможно разлучити тя от любви Божия.

Богородичен: Песнословим Тя, Владычице, Радость всему миру Родшая, / Того, яко Блага, моли, Всенепорочная, презрети беззакония достойно Ему вопиющих: / силе Твоей слава, Человеколюбче.

Песнь 5

Ирмос: *Утреннююще, вопиём Ти: / Господи, спаси ны, / Ты бо еси Бог наш, // разве Тебе, иного не вемы.*

Вседержителя глас услышав, смиренный Феодоре, мирская вся отринул еси / и ко реце Печензе стопы своя от веси Чаваньжския направил еси, / идеже, во обители святей вселився, трудолюбно подвизался еси / и в послушание Богу всецело себе вдал еси. / Рясофорный мних бысть служебником преподобнаго Пайсия игумена, / и сей бе ти друг верен и кров крепок.

Исповеда пред Ангелы и человеки Имя Господне, / поругание и биение претерпел от безбожных, / венец доброты восприяв, славне Феодоре: / тело бо твоё во внутренних могилы безвестныя, / душа же высоте хваления уготовася / и тако пред Господем духов со Ангелы вознесена бысть.

Блаженно житие твоё на земли, славный отче, и кончина безсмертна, / сего ради наследие нескверно и неувядаемо на Небесех стяжал еси, преподобне. / Господи, молитвами угодника Твоего Феодора, посети щедротами Церковь Твою, / юже стяжал еси честною Твоею Кровию.

Богородичен: Яко одушевленный Чертог, восприявший Царя царствующих, / и яко Престол Владычень, Марию Пренепорочную в песнях возвеличим.

Песнь 6

Ирмос: *Молитву пролию ко Господу / и Тому возведу печали моя, / яко зол душа моя исполнися / и живот мой аду приближися, / и молюся, яко Иона: // от тли, Боже, возведи мя.*

Укреплен быв разумом Божественным, / обличал еси отменяющихся истинныя веры Христовы, яко пребезумных, / скверных продерзостию и силою о князе бесовstem напыщенных. / Темже Небесныя двери тебе отверзошася, блаженне, / воспевающу Христа во вся веки.

Угобжает тя Господь от туга дому Своего, / и потоком сладости Своея напаяет, / и пресветлыя радости исполняет, блаженный Феодоре, / призва подъяти за Христа мучение и предстаи Троице Святей Духом очищенных. / Тако ближняя своя, сидящая во тьме и сени смертней, / лестями безбожия помраченныя, просветил еси / и молитвами твоими не попустил еси аду приблизиться.

Аще и горькими работы убиша врази тело твое, преподобномучениче Феодоре, / обаче души твоея тьма не коснуса. / Темже явился еси столп огнегорящ Церкви Христовы и ходатай верен о нас, / ты выну пред Богом прославляющих.

Богородичен: Мати Всепетая, / миру всему Искупление от клятвы законныя родившая, / ныне наша моления приемлющи, моли спастися всем нам.

Кондак, глас 8:

Крест свой взем, Христу последовал еси, / монашеское житие и вольное страдание паче сладости мира сего возлюбил еси. / Веру Христову, противу греха подвизався, даже до крови исповедал еси, / сего ради избави нас от бед и всякаго зла, отче Феодоре, // и уголи наша печали молитвами твоими.

Икос:

В темницах градв Мурманна в сени смертней томился еси, / горькия работы в заточении земли Коми претерпел еси / и послежде, чашу страданий мужественне испив, / венцем неувядаемым украсился еси во Царствии Небеснем, богоблаженный Феодоре. / Да и мы будем готови к воздаянием Царствия, // и свет бо вечный возсияет нам во веки молитвами твоими.

Песнь 7

Ирмос: *От Иудеи дошедше, отроцы / в Вавилоне иногда / верою Троицескою пламень пещный попраша, поюще: // отцев Боже, благословен еси.*

Монашескаго житія образ ты яви и мучеников красоту прослави житиём твоим, отче Феодоре, / ныне же, муки и язвы потерпев, по завету Христову живот вечный обрел еси. / Темже и Христос сокровищем безсмертия на Небеси обогати ты, / да, чтуще пресветлую память твою, волею зовем ти: / сподоби и нас радости насладитися / в Воскресение живота вечнаго, в сретение Господне.

Ранами и болезнями великими помрачися доброта телесе твоего, / обаче светлость душевная презельне возсия / благодатию Святаго Духа, преподобне страдальче. / Темже молися Христу Богу, / дабы верным чадом Церкви Православныя сподобитися жизни будущаго века, / идеже присещает свет Лица Божия.

Страданием вольным вся грехи и отступления, преподобномучениче Феодоре, / яко плевелы, исторгл еси и огнем сожегл еси, / по сем же изыде сеяти семена добрая слез твоих, / темже радостию ныне пожинаеши вечныя жизни класы во Царствии Божии.

Богородичен: Якоже бо купина, юже виде Моисей, не стараше опаляема, / тако Дева неопально пребыла еси, Правды Солнце во чреве зачэншая. / Того моли спастися душам нашим.

Песнь 8

Ирмос: Царя Небеснаго, / Егоже поют вси Ангельстии, // хвалите и превозносите во вся веки.

Неусыпна ты имама молитвенника, / яко одержаша ны болезни смертныя и потоцы беззакония смятоша ны. / Ты же, отче добропобедный, волны страстей утишаеши, / печали утоляеши и лютых всяческих нас избавляеши, вопиющих: / благословите, вся дела Господня, Господа.

Мудрования врага прегордаго от высоты сердца своего в себе убив, / уму Божественному приобщился еси во страхе Господни, / сердцем совершенным, и житиём твоим чистым, и умом светлостью / зовый непрестанно: / благословите, вся дела Господня, Господа.

Изряднаго угодника Христова песньми благохвальными почтим, / яко иго злоключений и страданий за Христа восприял еси. / От Него же во Царствии Божием, / яко доблий воин, в подир славы облечен был еси, / Избавителю Богу вопия: / благословите, вся дела Господня, Господа.

Богородичен: Радуйся, Благодатная, Господь с Тобою, вещь Ти Архангел Гавриил: / из Тебе бо произыде Отроча Предвечно, / за милосердие неизреченное превозносимый / отцев Бог Благословенный.

Песнь 9

Ирмос: Устрашился всяк слух / неизреченна Божия снизхождѣния, / яко Вышний волю сниде даже и до плоти, / от девическаго чрева быв Человек. // Темже Пречистую Богородицу, вернии, величаем.

Болѣзни же и кровь твоѧ, отче преподобне, / непорочным семенем веры явишася, / напитанным обильно елеем скорбей и печалей / и напоенным слезами в мѣру въздыханіи твоих. / Ныне же славословія приими от нас, чад твоих, / плоды сѣятвы твоеѧ благословящих, мучениче прехвальне.

Сочислился еси мученическим ликом обители Печенжския, отче Феодоре, / сострадавшим ти во вся дни и за Христом на Голгофу възшедшим. / Присно величаем их, иже крепко за имя Господне вооружашася, / с ними же и ты верно ублажаем. / Да и мы, молитвами твоими очищены, / очесы духовными узрим чертог Небесный в день Страшнаго Суда Господня.

Помяни, святче Божий, нас и всех верою и любовью к тебе притекающих, / и умоли Всемилостиваго Бога исцелити ны от всякия болѣзни душевныя и телесныя, / оградити от враг видимых и невидимых, / яко да твоими теплыми молитвами низпослет нам Христос благодать пронареченнаго Духа Утешителя / и в час наш смертный да не лишит нас Царствия Славы Своеѧ.

Богородичен: Странное и преславное чудо видим о Тебе, Богоизбранная Владычице, / яко мира Вседержитель, Себе умалив, плоть от Тебе приемлет / и, питая Плотию Своею пречистою, / к животу вечному приводит люди Своя.

Светилен.

Подобен: Жены, услышите:

Постом पहले добре искусився, течение божественное во иночестве соверши, / второе же, злопострадав, яко добрый воин Иисусов, на Небеса горы възиде. / Ныне Христу предстоиши, Феодоре, отче преподобне, // за нас молися, тепле поющих тя.
(Дважды)

Слава, и ныне, Богородичен:

Радость неизреченную рождши, Господа, / радости нас Небесныя причастники сотвори, / всех Тебе почитающих, Пречистая, благодать истинну, / от души вопиющих Ти: // не забуди Твоя рабы, Благословенная Маріе.

На хвалітех стихіры на 4, глас 6:

Праведных душі в руцѣ Божией, / и не прикоснется их мука. /
Вмале наказан бе печалию и досаждениями телесными, мучениче Феодоре, / великими же благодетельствован был еси, /
яко Бог испытал ты и обрете ты достойна Себе. / Яко злато, в печи смирения искуси ты / и, яко всеплодие жертвенное, прият ты, //
отче достохвальне. *(Дважды)*

Блажен ты, мучениче Господень Феодоре, / иже не содела в руку свою беззакония, / ниже помысли на Господа лукавая: / дарова бо тебе веры благодать избранну / и жребий во храме Господни угоднейший. / Яко десницею покрыл есть ты и мышцею своею защитил ты. / Сего ради приял еси Царствие благолепия / и венец доброты от руки Господни. / Тако вси вернии в любви пребудут Ему, / яко благодать и милость в преподобных Его // и посещение во избранных Его.

Скончався в мале, исполни лета долга своего, святыи Феодоре, / угодна бо бе Господеву душа твоя, / сего ради потщася от среды лукавствия: / яко благодать и милость в преподобных Его / и посещение во избранных Его, / ибо вменися, славный мучениче, в сынех Божиих, // и во святых жребий твой есть.

Слава, глас 6:

Сердце твое кротко / и мудрование смиренно явися, преподобне, / иже погубил еси возношения вся врага, / возвышаемь божественными добродетельми, / отче Феодоре, мучеников основание, адаманте твердый. / Ныне в селениях Небесных водворился еси, / воспевая со Ангелы Господеву песнь хвалебную, / ибо праведницы во веки живут, // и во Господе мзда их, и попечение их у Вышняго.

И ныне, Богородичен, глас тойже:

Богородице, Ты еси лоза истинная, / возрастившая нам Плод Живота, / Тебе молимся: молися, Владычице, / со святыми новомученики земли Кольския // помиловати души наша.

Славословие великое, ектений и отпуст

НА ЛИТУРГИИ:

Блаженны от канона, пѣснь 3-я и 6-я. Прокимен, глас 7:
Восхвалятыя преподобнии во славе / и возрадуются на ложах
своих. Стих: Воспойте Господеву пѣснь нову, / хваление Его
в Церкви преподобных. Апостол к Тимофею, зачало 291.
Аллилуия, глас 6: Блажен муж, бойся Господа, / в заповедех Его
восхощет зело. Стих: Сильно на земли будет семя его. Евангелие
от Матфея, зачало 36. Причастен: В память вечную будет
праведник:

ЯКЯФИСТ

святому преподобномученику
Феодору (Абросимову), Печенгскому

Кондак 1

Восхвалим днесь пѣсньми страдальца земли нашей Кольския, /
преподобномученика Феодора. / Сей бо, измлада Христа
возлюбив, / остави Поморскую землю отечества своего / и оты-
де в славную обитель Печенжскую, / идеже, неленостно Богу и
братии угождая, / мужественно не оставил есть вины славе оби-
тели, / даже до крове ста противу хульников, гонителей и доса-
дителей Церкви; / и, тако подвизався, небесныя сладости вкусил
есть страсотерпец дивный. / Сего ради, любовьию простираю-
щися к нему, / воспеваем сице: /

Радуйся, преподобномучениче Феодоре, // теплый молитвен-
ниче о душах наших.

Икос 1

Днесь сошедшеся, / поюще и благословяще Господа, / в бла-
гопочитание летныя памяти твоея / сице из глубины сердца
нашего к тебе зываем, / преподобномудре Феодоре: / яко воин
Христов добропобедный, / Церкви Православней и Христову
воинству верен пребыл еси / и сто седминадесятым мучеником
Печенжским / в народе Божии нареклся еси. / Того ради жити-
ем твоим праведным / истинный нам путь к Небеси указуеши, /
темже почитаем память твою всечестную и, благоговейне чтуще
вся лютая твоя, / воспеваем ти сице:

Ра́дуйся, яко от юности своея́ Бѡга сѣрдцем возлюбил еси́;
Ра́дуйся, яко в юнем телеси́ крѣпость мужескую явил еси́.
Ра́дуйся, отѣчеству земному́ в чине во́инством досто́йно послу-
живый;

Ра́дуйся, последи́ во́инству Христо́ву приобщитися зело́ воз-
желѣвый.

Ра́дуйся, игу́ благому́ служѣния Христо́ва выю́ подклони́вый;

Ра́дуйся, сладость словесъ́ Господнихъ́ всегда́ в души́ храни́вый.

Ра́дуйся, образъ́ бо страда́ния за Христа́ Бѡга нам явля́й;

Ра́дуйся, на тѣсный путь и узкая́ врата́ спасѣ́ния нас наставля́й.

Ра́дуйся, преподобномучениче́ Феодоре, // тѣплый моли́твен-
ниче о душа́хъ на́ших.

Конда́к 2

Вседержителя́ гласъ́ услышав, смире́нный Феодоре, / мир-
ская́ вся отринул еси́ / и ко реце́ Печензе́ стопы́ своя́ от вѣси
Ча́ваньжския́ напра́вил еси́, / иде́же, во обители́ святей́ вселив-
ся, / трудолю́бно подвиза́лся еси́ / и в послуша́ние Бѡгу́ всецѣло
себе́ вручил еси́. / Рясософо́рный мнихъ́ был еси́ и служе́бникъ́ препо-
добнаго́ Паисия́ игу́мена, / и сей́ же ты другъ́ вѣренъ́ и кровъ́ крѣпокъ́. /
Ны́не же, отцы́ святы́и, Трои́це предстаи́те, / сия́юще отгуду́ бли-
ста́нии, / и восхваля́юще, и благословя́ще Го́спода пребога́тно: //
Аллилу́иа.

И́кос 2

Исполни́шася днѣе, и наста́ша времена́ лю́та, / ты, яко́ бегле́ц,
во страну́́ Финскую́ изгна́н бысть, / преподобномучениче́
Феодоре. / Со свято́ю обителию́ Печенжскою́ Христо́му послѣдо-
вав, / Отѣчество́ свое́ оста́вил еси́, / и со бра́тиею мнишескою́
пришле́ц в земли́ чужде́й и иносла́вней пребы́л еси́, / и вѣрный
рабъ́ явился еси́ Христо́му Вседержителю́. / Сего́́ ради́ покланя́ющеся
Всеми́лостивому́ Спа́су, / воспева́ем тя, яко́́ еди́наго́ от избра́н-
ныхъ́ Его́, / хвалѣ́нии тако́выми:

Ра́дуйся, измла́да добро́ту Влады́ки Христо́му возлюбивый;

Ра́дуйся, в правове́рии и благоче́стии вѣрно послуживый.

Ра́дуйся, мудрова́ний ве́ка сего́́ вознося́щихся посрамле́ние;

Ра́дуйся, от волко́в, в оде́жди овчей́ входя́щих, огражде́ние.

Ра́дуйся, в пѣ́ниихъ́ и лица́хъ ны́не любове́ию прославля́емый;

Ра́дуйся, подви́жниче, благода́тию Бо́жиею охра́няемый.

Ра́дуйся, к ли́ку преподобномученико́в сопричте́нный;

Ра́дуйся, в ри́зу чиста́го вѣ́ры испове́дания облече́нный.

Ра́дуйся, преподобному́чениче Фео́доре, // тёплый моли́твен-
ниче о душа́х на́ших.

Конда́к 3

Про́мыслом Бо́жиим и челове́ческим избра́нием / был еси́
друг ве́рен Паи́сию преподобному́ченику, игу́мену оби́тели
Пе́ченжския, / и помо́щник в ско́рбех преизрядных, обрётших
бра́тию зело́. / Та́ко да́же до кро́ве постра́дасте, / проти́ву гони́-
телей Це́ркве подвиза́стесь, / Небе́сныя сла́дости вкуси́ли есте́, /
страстоте́рпцы дивнии. / Испроси́те и нам, о́тче Фео́доре со
бра́тиєю, у Христа́ Спа́са на́шего, дивнаго во Святы́х Свои́х, гре-
хов оста́вление, / да в ве́ре и́стинней утверди́тись / и Небе́сныя
сла́дости вкуси́ти при́сно воспева́ющим: // Аллилу́иа.

И́кос 3

Вбра́тстве ино́честем усер́дно подвиза́всь, Фео́доре всехва́ль-
не, / восходи́л еси́ от си́лы в си́лу, / украше́ние ино́ков яви́лся
еси́, преподобному́чениче, / до́бре сих к Небеси́ наставляя. / Те́м-
же ны́не, во тьме грехо́вней су́щия ны просвети́ / и, я́ко имейя́
дерзнове́ние ко Го́споду, Спа́су на́шему, / Того́ моли́ спастись
на́м, / ве́рно чту́щим па́мять твою́ / и песнопоя́ющим ти такова́я:

Ра́дуйся, с терпе́нием мно́гим го́ресть изгна́ния вкуси́вый;

Ра́дуйся, ве́ру соверше́нную в ско́рбех сугубых яви́вый.

Ра́дуйся, во страда́ниях твои́х плоть бе́дне смири́вый;

Ра́дуйся, пло́д досто́йный терпе́ния и любве́ сотвори́вый.

Ра́дуйся, бога́тство земно́е ни во что́же вмени́вый;

Ра́дуйся, ве́рный ра́бе, да́нный тебе́ мно́с возрасти́вый.

Ра́дуйся, со мно́гими скорбьми́ ра́дость о Го́споде прие́мый;

Ра́дуйся, си́ми страда́нии пло́д Христо́выя любве́ в души́ воз-
расти́вый.

Ра́дуйся, преподобному́чениче Фео́доре, // тёплый моли́твен-
ниче о душа́х на́ших.

Конда́к 4

Заве́ты сострада́льцев Христо́вых восприе́мь, / ду́шу свою́ за
ве́ру оте́ческую положи́л еси́, свя́те Фео́доре, / ве́рный ору́ж-
ниче Христо́ва вои́нства, / в же́ртву Бо́гу себе́ сама́го принося́. /
Ны́не же, ру́це твои́ в молéнии со А́нгелы протира́я, / помина́й
Ко́льскую зе́млю рожде́ния своего́ / и оби́тель Пе́ченжскую, ю́же
возлюби́л еси́, / и моли́ о спасе́нии сла́влящих тя благоче́стно / и
во умилéнии серде́ц взыва́ющих: // Аллилу́иа.

И́кос 4

Во обители Печенжстей подвигом иноческим добре подви-
зався, / преславный Феодоре, / и достойно званию ходив, /
плоды принесл еси Христова смирения, / яко древо благосенно-
лиственное. / И нас научи смиряти души наша пред Отцем Небес-
ным / в скорбех и различных обстояниях, / да обрящем вечную
победу с тобою, Христовым страдальцем, / и воспоём тя сице:

Ра́дуйся, от нечестивых уничижение в честь себе вменивый;

Ра́дуйся, обидящим вседушно прегрешения простиый.

Ра́дуйся, бисере дражайший, Печенжския братии украшение;

Ра́дуйся, силам бесовскаго зла неборимое устрашение.

Ра́дуйся, томления и труды тяжкия в заточении терпёвый;

Ра́дуйся, о осквернении обители матеролёпней скорбёвый.

Ра́дуйся, Христова воинства ратниче честный и верный;

Ра́дуйся, правды и истины носителю добропобедный.

Ра́дуйся, преподобномучениче Феодоре, // тёплый моли́твен-
ниче о душа́х наших.

Конда́к 5

Ревну́я о вере Православней, / возскорбел еси печалию велиею, /
яко вера сия от безбожных попирается, / и гонения многая пре-
терпел еси за ню, / и кровию мучений землю Кольскую освятил
еси, / сонму новомучеников сопричтённый. / Ныне же, предстоя
Престолу Господню, за ны моли́шся, / да и мы Царствию Христову
приобщимся, / со умилением вопиюще ко Господу: // Аллилу́иа.

И́кос 5

Ра́дуйся, монахов похвало́, / да возвеличиши людей право-
славных достохвальным житием твоим / и славным стояни-
ем в вере Христовой. / Ты, слёзы и поты обильно проливая, / душу
свою от страстей очисти еси, / таже мученическими кровью
себе самаго в жертву Господу принесл еси, / от безбожных муку
претерпев. / Сего ради песнословим твои подвиги страсготерп-
ческие / и приносим ти хваления сицевая:

Ра́дуйся, неправедный приговор с кротостью приявый;

Ра́дуйся, смирением духа сети вражия поправый.

Ра́дуйся, в скорби своей от любви Христовы не отлучённый;

Ра́дуйся, во страдании твоём силою Божиею укреплённый.

Ра́дуйся, тихостию своею безбожных суровство обличивый;

Ра́дуйся, истинным веледушию и кротости нас научивый.

Ра́дуйся, похва́лы и сла́вы Бо́жия ве́лий ревни́телю;
Ра́дуйся, ве́рных оте́чества твоего́ Небе́сный храни́телю.
Ра́дуйся, преподо́бному́чениче Феодо́ре, // те́плый моли́твен-
ниче о душа́х на́ших.

Конда́к 6

Со́крушил еси́ терпе́нием всю си́лу вра́жью, / мужеуби́йц и
ху́льников зле́йших, влады́к, погу́бльших се́рдце, / су́щих
дале́че от пра́вды и претя́щих ти, не убо́ялся еси́, / Феодо́ре до-
бропо́бедный, / и, муче́ния путь до́блестно проше́д, дости́гл еси́
в несконча́емый поко́й небе́сный, / иде́же со А́нгелы лику́еши / и
Еди́ному Христу́ от все́го се́рдца воспева́еши: // Аллилу́иа.

И́кос 6

Ра́дуйся, преподо́бному́чениче Феодо́ре, / боле́зни и труды́
благоду́шно претерпе́вый, / и посреде́ мяте́жей мно́гих ве́ру
кре́пкую до конца́ сохрани́вый, / и за Христа́ сла́вную кончи́ну
прия́вый. / Оба́че ин суд Бо́жий, ин челове́ческий: / ско́рый и
непра́вый тя на сме́рть осуди́, / Небе́сный же и Боже́ственный
по́честьми побе́дными венча́. / Ны́не же, вше́д в Ца́рствие Небе́с-
ное, / Престо́лу Бо́га Жива́го предстои́ши, / те́мже у́бо ра́дующе-
ся и благогове́юще, / вопие́м ти благохва́ления сия́:

Ра́дуйся, о́браз кре́пости ве́ры нам яви́вый;
Ра́дуйся, в ско́рби Крест свой терпели́вно носи́вый.
Ра́дуйся, му́чениче, ри́зы своя́ в крови́ А́гнца убели́вый;
Ра́дуйся, те́лом умеры́й, ду́шу же свою́ не погуби́вый.
Ра́дуйся, А́нгельским чино́м сликовству́яй в вы́шних;
Ра́дуйся, от челове́к похва́лы прие́мляй в ни́жних.
Ра́дуйся, вся люта́я твоя́ до конца́ за Христа́ претерпе́вый;
Ра́дуйся, безпреткнове́нно в Го́рняя чи́стою душе́ю возлете́вый.
Ра́дуйся, преподо́бному́чениче Феодо́ре, // те́плый моли́твен-
ниче о душа́х на́ших.

Конда́к 7

Е́гда прии́де во оби́тель Пе́ченжскую гоне́ние от безбо́жных, /
сто́лп непоколеби́м яви́лся еси́, добропо́бедный Феодо́ре; / со
отце́м своим духо́вным преподо́бному́чеником Паи́сием, / пра́в-
ды ра́ди стра́ха безбо́жных не убо́яся, ниже́ смути́ся, / и всех свя-
ты́х земли́ Ко́льския, я́ко бли́жних сро́дник, в по́мощь призыва́л
еси́, / с ними́же купно ны́не прославля́еши / и песнь побе́дную
благодáрственно воспева́еши: // Аллилу́иа.

И́кос 7

Изгна́ние и разлуче́ние с бра́тиею сво́ею / му́жественне пре-
терпéл еси́, преподо́бному́чениче Фео́доре, / жесто́кия тер-
пя́ на теле́ болéзни, / уязвляе́мь быв от руки́ сильных и злоко́зни-
вых мучи́телей, / обаче ни ка́я тва́рь возмо́жет разлучи́ти тя от
любве́ Бо́жия, / я́же о Христе́ Иису́се, Го́споде на́шем. / Утверди́
и нас терпéти вся му́ки и ско́рби / и да́же до сме́рти подвиза́тися
о и́стине. / Мы же, наде́ждою на предста́тельство твоё окрыляе-
ми, / с ве́рою прино́сим ти похвалы́ таковы́я:

Ра́дуйся, дни страда́ния своего́ му́жественне испо́лненный;

Ра́дуйся, свети́льниче, ду́шу свою́ елее́м свя́тости напо́лненный.

Ра́дуйся, богоху́льная умы́шления ору́жников дерзосе́рдых
посрамивый;

Ра́дуйся, му́жеству во искуше́ниях ве́лиих всех нас научивый.

Ра́дуйся, свеще́ неугаси́мая, огнём Ду́ха Свята́го возжже́нная;

Ра́дуйся, лозо́ избра́нная, росо́ю благода́ти Бо́жия напоённая.

Ра́дуйся, в руга́нии и ранах за Христа́ с молча́нием пострада́вший;

Ра́дуйся, притека́ющим к тебе́ ско́рое вспомо́жение явивый.

Ра́дуйся, преподо́бному́чениче Фео́доре, // те́плый моли́твен-
ниче о душа́х на́ших.

Конда́к 8

О́тче преподо́бне Фео́доре, / в тяжкую́ годи́ну испытáний ве́ру
Христову́ поруга́ему соблю́л еси́ / и себе́ сама́го, я́ко же́ртву
живую́, Бо́гу прине́сл еси́. / Ны́не Го́сподь пока́зá тя, свети́льника
Своего́, / сия́юща на све́щнице Це́ркве / и со́нма новомучеников
Российских / украше́ние пресве́тлое явля́шагося. / Сего́ ра́ди, я́ко
победите́ль, / воспева́еши с безплóтными си́лами / песнь побéд-
ную Христу́ Бо́гу: // Аллилу́иа.

И́кос 8

Испове́да пред А́нгелы и челове́ки И́мя Го́сподне, / поруга́ние
и би́ение претерпé от безбо́жных, / вене́ц добро́ты воспри-
яв, сла́вне Фео́доре: / тело́ бо твоё во вну́тренних моги́лы без-
ве́стных поко́ится, / душа́ же высоте́ хваления́ угото́вася / и та́ко
пред Го́сподем духо́в / вознесе́на бысть от юдо́ли сме́ртныя / в
вы́шняя Небе́сная селéния; / да тво́ими моли́твами спасе́мся, /
славосло́вляще тя си́це:

Ра́дуйся, тяготы́ злострада́ния моли́твою побежда́ти научивый;

Ра́дуйся, заступни́че, в гонéниях наде́жду и ве́ру укрепивый.

Ра́дуйся, болящих ду́шею и теле́м безме́здный целителю́;

Ра́дуйся, колеблущимся в ве́ре сил духо́вных пода́телю.

Ра́дуйся, мук несéнием тле́нная на нетле́нная премени́вший;

Ра́дуйся, мно́гия бо от жесто́ких ско́рбей разреши́вый.
Ра́дуйся, бра́тии Пече́нжския оби́тели приле́жный храните́лю;
Ра́дуйся, звездо́ Полно́щная, ве́рным ко спасе́нию путево́дителию.
Ра́дуйся, преподо́бному́чениче Фео́доре, // те́плый моли́твен-
ниче о душа́х на́ших.

Конда́к 9

Укреплён быв ра́зумом Божество́нным, / облича́л еси́ отме-
тающихся и́стинныя ве́ры Христо́вы, яко пребезу́мных, /
скве́рных проде́рзостию и си́лою о князе бесо́вstem напы́щен-
ных. / Ты же крестоноше́нием страда́ний плоть свою́ умертвил
еси́, блаже́нне Фео́доре, / те́мже Небе́сныя двэ́ри ти отверзо́ша-
ся, / воспева́ющу Христа́ во вся ве́ки. / Сего́ ра́ди лю́дие Пече́нж-
стии и помору́стии / просла́вляшаго тя Го́спода сла́вят, / с ними́же
и мы во́пием: // Аллилу́иа.

И́кос 9

А́ще и го́рькими рабо́ты уби́ша врази́ те́ло твоё, / преподо́б-
ному́чениче Фео́доре, / оба́че души́ твоея́ тьма́ не косну́ся. /
Те́мже явился еси́ луч Со́лнца Пра́вды, / и столп огнегоря́щ Це́рк-
ве Христо́вы, и хода́тай ве́рен / пред Бо́гом о нас, тя вы́ну про-
славля́ющих. / Мо́лим тя, страда́льче святы́й: / моли́ся за ны ко
Го́споду, / по́прище жития́ на́шего нам досто́йно прои́ти / и вои́-
ны све́та неукору́ными яви́тися, / во́пиюще ти си́це:

Ра́дуйся, моля́щимся к тебе́ ско́рую по́мощь подава́яй;
Ра́дуйся, отча́янных и безнаде́жных в гонени́их ободря́яй.
Ра́дуйся, ти́хость и мир несму́тен в души́ всегда́ имевы́й;
Ра́дуйся, да́нный ти Крест любви́ю и ве́рою претерпе́вый.
Ра́дуйся, яко стяжа́л еси́ веледу́шие и на Бо́га наде́яние;
Ра́дуйся, земе́ль полно́щных ве́рное от бед спасе́ние.
Ра́дуйся, путе́м узким и прискору́бным проше́дый;
Ра́дуйся, жизнь ве́чную во Христе́ Иисусе́ обреты́й.
Ра́дуйся, преподо́бному́чениче Фео́доре, // те́плый моли́твен-
ниче о душа́х на́ших.

Конда́к 10

Мо́нашескаго жития́ о́браз ты яви́ / и му́чеников красото́у стра-
да́льчеством твои́м просла́ви, о́тче Фео́доре, / му́ки и я́звы
претерпе́в, / ны́не по завету́ Христо́ву живо́т ве́чный обрёл еси́, /
те́мже и Христо́с сокрови́щем безсме́ртна на Небеси́ обогати́
тя. / Мы же, чту́ще пресве́тлую па́мь твою́, / во́пием ко Го́споду,
Дивно́му во святы́х Свои́х, / пода́ющему нам о́браз безприкла́д-
ный и ве́лие наде́яние: // Аллилу́иа.

Їкос 10

Ранами и болѣзнями великими помрачїся доброта телесѣ твоего, / обаче благодатию Святаго Духа свѣтлость душевная презельне возсия, / преподобне страдальче. / Темже молися Христу Богу, / да сподобятся верная чада Церкви Православныя жизни будущаго века, / идеже присѣщает свет Лица Божия. / Мы же твою память присно пѣснями восхваляем верно / и вопиѣм ти с любовью таковая:

Радуйся, благодать и славу от Печенжских угодников приявый;

Радуйся, подвиг мученичества на рамена своя подъявый.

Радуйся, яко лестчее злосрадие вражие далече отгнал еси;

Радуйся, яко единое на потребу, яко благою часть, избрал еси.

Радуйся, яко предлежащий ти подвиг в кротости приял еси;

Радуйся, яко в сени смертней, в темницах и узах томился еси.

Радуйся, кротце за досаждающих и истязующих тя моливыйся;

Радуйся, радости Небесныя в подвизе веры причастивыйся.

Радуйся, преподобномучениче Феодоре, // теплый молитвенник о душах наших.

Кондак 11

В темницах градѣв Мурманя, яко в сени смертней, томился еси, / послежде горькия работы в заточении земли Коми терпел еси / и узилище последнее земнаго жития твоего во граде Ухте обрел еси, / а може приведе тя Христос, / жертвы новыя всещедрыя твоея желая. / Ты же благопокорне принесл еси оную, / смилив себе даже до смерти, / богоблаженный Феодоре, / любовь воспевая Господеву: // Аллилуиа.

Їкос 11

Новое чудо показа Христос, / егда слезными молитвами мученика Своего, преподобнаго Феодора, / и страданьями с горькою нуждею, и узами с темницею, / мглу безбожия и злообычия над Отечеством нашим разсѣял еси. / И обитель Печенжская из пѣпла возста, / и новая братия прииде на место подвигов и скорбей его, / и поруганий и биений от грешник. / Ныне единокровнии твои, отче Феодоре, / на благоплодную молитву твою уповающе, / ублажают тя похвалы сицевыми:

Радуйся, светильниче златый, во мраце безбожия свѣтло сияй;

Радуйся, образом добраго исповѣдания веры братию умудряй.

Радуйся, яко не убояся и не скрыся от смертию ти грозящих;

Ра́дуйся, я́ко терпе́нием и ве́рою течé на по́двиг ти предле-
жа́щий.

Ра́дуйся, я́ко о́браз испове́дания от игу́мена Па́исия восприя́л еси́;

Ра́дуйся, я́ко волю Бо́га Вы́шняго всем се́рдцем взыска́л еси́.

Ра́дуйся, оби́тели Пе́ченжския изве́стное укрепле́ние;

Ра́дуйся, лю́да земе́ль Се́верных кре́пкое защище́ние.

Ра́дуйся, преподо́бномучени́че Фео́доре, // те́плый моли́твен-
ни́че о душа́х на́ших.

Конда́к 12

Земе́лю Ру́сскую, безбо́жными гонéнии неща́дно жегóмую, /
слеза́ми и крове́ми тво́ими напои́л еси́, преподо́бномуче-
ни́че Фео́доре. / Сконча́вся вма́ле, испо́лни ле́та до́лга своего́, /
уго́дна бо бе Го́сподеви душа́ тво́я, / сего́ ра́ди потща́ся от среды́
лукавства́: / я́ко благода́ть и ми́лость в преподо́бных Его́ / и по-
сещéние во избра́нных Его́, / и́бо вмени́ся, сла́вный мучени́че,
в сыне́х Бо́жих, / и во святы́х жре́бий тво́й есть. / Те́мже, о́тче
преподо́бне, / стяжа́л еси́ благода́ть моли́тися о нас ко Го́споду,
Ему́же благода́рственно воспева́ем: // Аллилу́иа.

И́кос 12

Све́та нетва́рнаго зрите́ль / и ра́дости Боже́ственныя прича́ст-
ник яви́лся еси́, / новомучени́че Фео́доре, / темже мо́лим
тя: / не преста́ни моли́тися о нас купно со все́ми новомучени́ки
Це́ркве Ру́сския, / да поми́лует нас Го́сподь, призира́я с высоты́
Небе́сныя, / и приклоня́я к нам вы́шнее милосе́рдие. / Та́ко на
твоё заступле́ние наде́ющиеся / и на благопло́дную моли́тву твою́
упова́юще, / ублажа́ем тя сицевы́ми похва́лы:

Ра́дуйся, преподо́бне, стезе́ю мона́шескою усе́рдно подвиза́-
выйся;

Ра́дуйся, подви́жнице, на ни́ве Христо́вой изря́дно потруди́-
выйся.

Ра́дуйся, на Нача́льника и Соверши́теля ве́ры Иису́са взира́вый;

Ра́дуйся, му́жественно ра́ди бра́тии свое́я да́же до крове́ по-
страда́вый.

Ра́дуйся, я́ко ны́не во све́те Ца́рствия Бо́жия пребыва́еши;

Ра́дуйся, я́ко и нас благода́тным того́ све́том осиява́еши.

Ра́дуйся, пресла́вне Фео́доре, Пе́ченжский пресве́тлый све-
ти́льниче;

Ра́дуйся, в возвращéнии ве́ры и благоче́стия кре́пкий помо́щ-
ниче.

Ра́дуйся, преподо́бномучени́че Фео́доре, // те́плый моли́твен-
ни́че о душа́х на́ших.

Кондак 13

О, страдальче многосвѣтлый и страсотѣрпче дивный Феодоре, / святый мучениче за веру Христову, / Церкви Русския украшение, / обители Печенжския и земли Кольския радование! / Услыши наше неискусное и малое сие моление, / благоговейно тебе приносимое, / и испроси у Всемилостиваго Владыки, / Ему же ныне со дерзновением предстоиши, / пробавити милость Свою на ны / и даровати оставление многих грехов наших, / да твоими молитвами сподобимся во Царствии Небеснем / в радости блаженней воспевати Ангельскую песнь: // Аллилуиа.

Этот кондак читается трижды, затем 1-й икос и 1-й кондак.

Икос 1

Днесь сошедшеся, / поюще и благословяще Господа, / в благопочитание летных памяти твоея / сие из глубины сердца нашего к тебе взываем, / преподобномудре Феодоре: / яко воин Христов добropобедный, / Церкви Православней и Христову воинству верен пребыл еси / и сто седминадесятым мучеником Печенжским / в народе Божии нареклся еси. / Того ради житием твоим праведным / истинный нам путь к Небеси указуеши, / темже почитаем память твою всечестную и, благоговейне чтуще вся лютая твоя, / воспеваем ти сие:

Радуйся, яко от юности своея Бога сердцем возлюбил еси;

Радуйся, яко в юнем телеси крепость мужескую явил еси.

Радуйся, отечеству земному в чине воинством достойно послуживый;

Радуйся, последи воинству Христову приобщитися зело возжелевый.

Радуйся, игу благому служения Христова выю подклонивый;

Радуйся, сладость словес Господних всегда в души хранивый.

Радуйся, образ бо страдания за Христа Бога нам являяй;

Радуйся, на тесный путь и узкая врата спасения нас наставляяй.

Радуйся, преподобномучениче Феодоре, // теплый молитвенник о душах наших.

Кондак 1

Восхвалим днесь песнями страдальца земли наша Кольския, / преподобномученика Феодора. / Сей бо, измлада Христа возлюбив, / остави Поморскую землю отечествия своего / и отыде в славную обитель Печенжскую, / идеже, неленостно Богу и братии угождая, / мужественно не оставил есть вины славе обители, / даже до крове ста противу хульников, гоните-

лей и досадителей Церкви; / и, тако подвижався, небесныя сладости вкусил есть страсотерпец дивный. / Сего ради, любовию простирающися к нему, / воспеваем сице: /

Радуйся, преподобномучениче Феодоре, // тёплый молитвенниче о душах наших.

ЖИТИЕ

святому преподобномученику Феодору Печенгскому

О, верный угодниче Христов, святыи преподобномучениче Феодоре! К тебе мы, грешнии и смиреннии, яко к тёплому нашему заступнику и скорому помощнику, молитвенно прибегаем и из глубины сердца взываем: призри на ны скоро и умоли Человеколюбца Бога, да не осудит нас, грешных, по беззаконием нашим, но да сотворит с нами по велицей Своей милости.

Оградí нас своим заступлением от облежашаго ны суетудрия и неправоверия, и упаси заблуждшия овцы стада Христова, и во дворы Господни сия всели. Оградí нас от соблазнов, ересей и расколов и настави твёрдо в вере Православней подвизатися. Потщися, скорый о нас предстателю, благоприятным твоим ходатайством умоли Господа, да низпослёт нам тихое и богоугодное житие, уврачует Своею благодатию наша болезни, душевныя и телесныя, согреет наша сердца любовию друг ко другу и сотворит ны братолюбны и единомысленны.

Испроси такожде у Господа и всего потребнаго для жития нашего телеснаго: земли плодородие, благорастворение воздушных и мирное устройство. Страну нашу, веси и грады охрани молитвами твоими от огня, потопа, труса, вражескаго нашествия и внутренних нестроений. Утверди в нас память смертную, да и мы, во истиннем покаянии и чистем сведении совести нашея представше ко Господу, сподобимся деснаго стояния и со всеми святыми воспоём славу Отцу, и Сыну, и Святому Духу во веки веков.

Аминь.

Величание:

Ублажаем тя, / преподобномучениче Феодоре, / и чтим святую память твою, / наставниче монахов // и собеседниче Ангелов.



Мурманская епархия

В электронном виде издание размещено
на официальном сайте Мурманской епархии:
<http://mmeparh.cerkov.ru>
в разделе «Книги митрополита Митрофана».

Сделать заказ можно:

- по электронной почте: eparhia_murmansk@mail.ru;
- по телефонам: +7-960 028 6677,
+7(8152) 25-97-61 или +7(8152) 25-53-38;
- на почтовый адрес: 183010, Мурманск, ул. Зеленая, 11.